

War between Laka's and Mokopane's tribes.

1/3

Ntwa kwa Mokopane.

1

Ntwa ye e ne e thomile ka baka la mosetaana yo a neng a tserwe ke Ba-Mokopane a tlhogo tsa Matebele. Ba ne ba mo gumane ga Laka a Masebe. Mme fa Ba Laka ba batla mosadi yo gore a boele gae Ba Mokopane ba gana ba re, o buswa ka tlhogo ya motho. Mosadi yo wa go thopja ke Ba Mokopane e ne o le ngwananyana wa mosate a Laka. Kgosi kwa Mmapela e ne e le Masebe, kwa Mokopane e le Mokopane ka nama.

2

Ntwa ye ya mosadi e lwele ngwaga tse ntsi tse ka bang lesome la dingwaga le tse tlhano. Nakong ye go lwang ntwa ye ke fa Ba-Mmakau ba ne ba falletse ga Mmapela, ba sa no thubiwa ke Mapono a Moselekatse mo Marula. Ntwa ye e ne e lwa mo thabeng ya Mokopane mo go bolailweng bo Mathongwana monna wa ba mmina kgomo, le Thedimogane wa bo Seema monna wa ba Matsila malom'a Sekati Matsila mmina kgomo, le Mafora wa ga Matlala. Ke moo ba suleng ba lwela kgosi ya ga Mmapela. Ntwa ye re utlwa gore e ne e lwa bosiu le matshegare. Go ne go lwa masogana.

Mosetsana yo o ne a ratilwe ke Mokopane, mme a romela mosogana go thopa mosadi yo. Ba mo thopa ba mo tlisa mosate, ga Mokopane. Masebe a roma batseta gore Mokopane a lokolle ngwana, fela yena a gana. Ke fa naka e tla lla mosate wa Masebe mme dira tsa bolotswa go lata mosadi ego. Mokopane le yena a bolotse dira go Sirella mosadi yo, mme madi a tshologa, selepe sa ja motho, monna a wa gatse a kgaogile tlhogo. Mokopane dira tsa gagwe tse dingwe di ne di tlhola ga Masebe di iphitlha dithabeng, mme di fetsa ba ga Laka.

3

Monna yo mongwe wa Matebele a Laka ba re ke Sephoru o ne a itirile lenaba la setshaba sa gabo. Yena a sebela ba Mokopane ka metlha fa ba Laka ba bolotse. Re utlwa gore Matebele a ile a utlwa tiro ye ya Sephoru, mme kgosi a laela batseta ba gagwe gore sephoro a tshwarwe mme, a bolawe.

Matebele a tswa a tshwere kgole a fitlha ga Sephoro ba phatheka kgole molaleng wa gagwe ba mo isa sakeng la gagwe e le motshegare. Sephoro a supa kgomo tse e leng tsa gagwe, tsa tsawa tsa iswa mosate ga Masebe, yena a gogwa ka kgole a bolawa ja ka mpja . Ga a supa kgomo tsa gagwe yena Sephoro, o ne a re ke ya duela a re ke a rapela fela Matebele a re, awaa rapela kgotlopo e seng rona. Ba mo tshwara ba mmolaya, ba mo gogela lesakeng a bolokwa ke maaka (manong), mme ga fela ka ga Sephoro.

Basadi ba Sephoro ba ya ga Maunwe ga a sa no bolawa.

Gona mo ntweng ye go lwele le ka bo Lepanyeletsa Mahobwe monna wa Letebele la Mmapela ya swetseng Dilokong mo kgaolong ya Ditlhabeng.

4

Fa ntwang ye e lwa Matebele a Mmapela a thibella ba Mokopane ba ba wetsa ka mo lengopeng la Mogalakwena. Ditlhodi tsa Mokopane di ne di nna mo thabaneng ya Monne go disa ba Mmapela pila. Sephoro yo a ileng a bolaelwa go sebela ba Mokopane e ne e le monna wa ga Masenya. Gona mo ntweng ye diitei tsa Matebele a Mmapela e nnile banna ba ba tlhano. Diitei ke batho ba ba bolaileng batho ntweng. Matebele a Masebe a ile a lelekisa ba Mokopane go fitlha Lehahaneng, mme Mokopane o ile a fedisa ntwang ka go duela ga Masebe ka mosadi. Janong ga nna kgotso.

Ntwang ye e lwelwe pele makgowa a fitlha mono Transvaal. E tlhathollwa ke mokekole wa ba kgwele mmina phofu ya agileng Mmametlhake, yo a beng a le teng fa ntwang ye e lwana. E ne e sa le mothephana ga ntwang ye e lwa.

5

Re utlwa gore kgoro e e beng e feta tse dingwe ga Laka e ne e le ya Mabasela a bo Motlhekwa. Go thwe e ne e pheketsa le kgoro ya mosate a Laka. E ne e le kgoro e e tshepjang ka baka la bontsi ba yona.

Mokopane ka go thopa ngwananyana wa mosate a Mmapela, o ne a gopotse gore o tla tsa puso ya ga Laka a Masebe. Ga ntwang ye e thoma ba Mokopane ba ne ba fetsa ba Laka ka go ba kukunetsa le bosiu

K32/27

3*

le ka go ba lalla dithabeng. Ga ntwaye e ne e lwana methephana yona e ne e sa bolawe, fela Masebe ga a tla fenywa Mokopane ke fa a pshatla basetsana le ka bana kwa Mokopane. Ke ga Mokopane a tla duela Laka ka mosadi, mme e seng yola wa go tsiwa ga Laka.

6

Sereto Masebe.

Masebe morwa Mohohoro, morwa wa Setlhako ke lopa kobo ya tshwene, e beng ka maralaleng go mong. Kete sa lla ga bo Mmapepe sa tsosa batho ba ile bokgotsheng, ba ile metlabong ga Rakumakwa a ditlou.

Sereto sa Mokopane

Mokopane a tlhogo tsa Matebele Masebe ga o le nkwe ke lepogo. Ke tla go thala ka dinala matlhong. Gopane wa pholo morwa Mmapela, e beng mmele o makgwakgwa, Lehasa la bo Setshele Tshitshila Malesela mphse moswana wa malikisa a Tlokwa. Ga ke re ba re mphse a ke a fofa, nna ka mmona ka a fofela mothabela.

7

Sereto sa Matebele a Mahobwe.

Mahobwe a Mokwena mor'a Mahobwe o irile bogale mo lokong sa tlhotse. Phoka se wela batho. Kapoko bana ba Masenya a mo dukole, e bang phoka se wela batho.

END 5 347